



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
ԱՇԽԱՏԱԿԱԶՄ

«ԳՆՈՒՄՆԵՐԻ ԱԶԱԿՑՄԱՆ ԿԵՆՏՐՈՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ
ՊԵՏԻ ՏԵՂԱԿԱԼ

«27» մարտի 2017թ.

Հաստատում եմ՝

«Գնումների աջակցման կենտրոն» ՊՈԱԿ-ի պետի տեղակալ

Հ. Այունց

ԳԲԽ-32/17 բողոքը քննող

հանձնաժողովին

Ե Ջ Ր Ա Կ Ա Ց Ո Ւ Թ Յ Ո Ւ Ն

Ղեկավարվելով «Գնումների մասին» ՀՀ օրենքի 16-րդ հոդվածի 1-ին մասի 8-րդ կետով, ՀՀ կառավարության 31.10.2002թ. N 1904-Ն որոշմամբ հաստատված «Գնումների աջակցման կենտրոն» ՊՈԱԿ-ի կանոնադրության 12-րդ կետի 8-րդ ենթակետով, ինչպես նաև ուսումնասիրելով «Խաչատուրյանի Բիլդինգ Գրուպ» ՍՊԸ-ի 17.03.2017թ. «Գնումների աջակցման կենտրոն» ՊՈԱԿ-ին ներկայացրած բողոքը՝ պարզել ենք հետևյալը.

1. «Խաչատուրյանի Բիլդինգ Գրուպ» ՍՊԸ-ի ներկայացրած փաստերը, հիմնավորումները և պահանջը

«Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն) 17.03.2017թ. ներկայացված բողոքով «Խաչատուրյանի Բիլդինգ Գրուպ» ՍՊԸ-ն (այսուհետ նաև՝ Ընկերություն) հայտնել է, որ մասնակցել է «Քաղաքաշինական ԾԻԳ» պետական հիմնարկի կողմից Երևանի թիվ 191 դպրոցի վերակառուցման աշխատանքների ձեռքբերման

նպատակով հայտարարված «ՔՆՔԾԻԳ-ԲԸՀԱՇՁԲ-16/9» ծածկագրով բանակցային ընթացակարգին և գնահատող հանձնաժողովի որոշմամբ զբաղեցրել է երկրորդ տեղ, իսկ առաջին տեղը զբաղեցրել է «ԱԳԱՐԱԿ» ԲԲԸ-ն: Այնուհետև, ուսումնասիրելով «ԱԳԱՐԱԿ» ԲԲԸ-ի կողմից ներկայացված փաստաթղթերը, հայտնի դարձավ, որ հայտի փաստաթղթերը չեն համապատասխանում հրավերի պահանջներին և «Խաչատուրյանի Բիլդինգ Գրուպ» ՍՊԸ-ն բողոքով դիմեց ՀՀ գնումների բողոքարկման խորհրդին (այսուհետև՝ Խորհուրդ): Խորհուրդը որոշում կայացրեց դադարեցնել գնահատող հանձնաժողովի որոշումը՝ «ԱԳԱՐԱԿ» ԲԲԸ-ին առաջին տեղ զբաղեցրած մասնակից ճանաչելու մասին: «ԱԳԱՐԱԿ» ԲԲԸ-ն հայցով դիմեց դատարան՝ Խորհրդի վերը նշված որոշումը չեղյալ ճանաչելու պահանջով, որը սակայն դատարանի վճռով ամբողջությամբ մերժվեց: 30.12.2016թ. «ՔՆՔԾԻԳ-ԲԸՀԱՇՁԲ-16/9» ծածկագրով բանակցային ընթացակարգի գնահատող հանձնաժողովի որոշմամբ «Խաչատուրյանի Բիլդինգ Գրուպ» ՍՊԸ-ի կողմից ներկայացված որակավորման պահանջներին իր համապատասխանությունը հիմնավորող փաստաթղթերը գնահատվեց բավարար և որոշում կայացվեց ընտրված մասնակից ճանաչել «Խաչատուրյանի Բիլդինգ Գրուպ» ՍՊԸ-ին: «ՔՆՔԾԻԳ-ԲԸՀԱՇՁԲ-16/9» ծածկագրով բանակցային ընթացակարգի հրավերի համաձայն պայմանագիրը պետք է կնքվեր 10 օրացույցային օր հետո՝ 10.01.2017թ.-ին, սակայն Ընթացակարգի գնահատող հանձնաժողովը այդպես էլ հաղթող ճանաչված «Խաչատուրյանի Բիլդինգ Գրուպ» ՍՊԸ-ի հետ ապօրինի կերպով պայմանագիր չկնքեց: Ավելին՝ հաղթող ճանաչված «Խաչատուրյանի Բիլդինգ Գրուպ» ՍՊԸ-ի հետ պայմանագիր կնքելու փոխարեն, ցուցաբերելով կամայականություն և խախտելով Հայաստանի Հանրապետությունում գործող գնումների գործընթացը կարգավորող օրենքների և իրավական ակտերի պահանջները՝ ՀՀ կառավարությանն առընթեր քաղաքաշինության պետական կոմիտեի բանակցային ընթացակարգի հանձնաժողովի 2017թ. մարտի 9-ի թիվ 1 որոշմամբ՝ արտակարգ կամ անկանխատեսելի իրավիճակի առաջացման հիմքով հրապարակվել է հայտարարություն՝ նույն գնման առարկայի՝ Երևանի թիվ 191 դպրոցի վերակառուցման աշխատանքների ձեռքբերման նպատակով «ՀՀ ՔՊԿ-ԲԸՀԱՇՁԲ-17/01» ծածկագրով բանակցային ընթացակարգով նոր ընթացակարգ հայտարարելու մասին:

«Խաչատուրյանի Բիլդինգ Գրուպ» ՍՊԸ-ն, որպես բողոքի փաստացի և իրավական հիմք, ապացույց նշել է հետևյալը.

□ «Գնումների մասին» ՀՀ օրենքի 33-րդ հոդվածի 2-րդ մասի համաձայն՝ ընտրված մասնակիցը հայտարարվելուն հաջորդող երկու օրացույցային օրվա ընթացքում

պատվիրատուն ծանուցում է ընտրված մասնակցին՝ ներկայացնելով պայմանագիր կնքելու առաջարկը և պայմանագրի նախագիծը:

□ «Գնումների մասին» ՀՀ օրենսդրության 35-րդ հոդվածի համաձայն՝ գնման ընթացակարգը չկայացած է համարվում, եթե՝

1. Հայտերից ոչ մեկը չի համապատասխանում հրավերի պայմաններին
2. Դադարում է գոյություն ունենալ գնման պահանջը
3. Ոչ մի հայտ չի ներկայացվել
4. Պայմանագիր չի կնքվում:

Տվյալ դեպքում չի կարող խոսք լինել գնման պահանջի գոյությունը դադարելու մասին, քանի որ «ՀՀ ՔՊԿ-ԲԸՀԱՇՁԲ-17/01» ծածկագրով բանակցային ընթացակարգով նոր ընթացակարգի հայտարարությունն արդեն իսկ խոսում է գնման պահանջի գոյության մասին:

□ ՀՀ քաղաքացիական օրենսգրքի 543 հոդվածի համաձայն՝ պետական պայմանագիրը պետք է կնքվի ընթացակարգն անցկացնելուց ոչ ուշ, քան քանօրյա ժամկետում:

Եթե կողմը, որի համար պետական պայմանագիր կնքելը պարտադիր է, խուսափում է այն կնքելուց, մյուս կողմն իրավունք ունի դիմել դատարան՝ այդ կողմին պետական պայմանագիր կնքելուն պարտադրելու պահանջով:

Ընդ որում, նման պահանջով արդեն իսկ «Խաչատուրյանի Բիլդինգ Գրուպ» ՍՊԸ-ն հայցադիմում է ներկայացրել դատարան:

«Գնումների մասին» ՀՀ օրենքի 45-րդ հոդվածի համաձայն՝ յուրաքանչյուր անձ իրավունք ունի բողոքարկելու պատվիրատուի, գնահատող հանձնաժողովի և գնումների բողոքարկման խորհրդի գոծողությունները (անգործությունը) և որոշումները:

Բացի այդ, խախտվել է նաև «Գնումների մասին» ՀՀ օրենքի 3-րդ հոդվածի 2-րդ մասի 1-3-րդ, 6-րդ հոդվածի 1-ին կետի, 8-րդ հոդվածի 8-րդ կետի, 31-րդ հոդվածի 1-ին մասին պահանջները:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ և 49-րդ հոդվածներով «Խաչատուրյանի Բիլդինգ Գրուպ» ՍՊԸ-ն խնդրել է.

□ Դադարեցնել ՀՀ կառավարությանն առընթեր քաղաքաշինության պետական կոմիտեի բանակցային ընթացակարգի հանձնաժողովի 2017 թվականի մարտի 9-ի թիվ 1 որոշմամբ հաստատված և հրապարակված հայտարարությունը՝ արտակարգ կամ անկանխատեսելի իրավիճակի առաջացման հիմքով Երևանի թիվ 191 դպրոցի

վերակառուցման աշխատանքների ձեռքբերման նպատակով «ՀՀ ՔՊԿ-ԲԸՀԱՇՁԲ-17/01» ծածկագրով բանակցային ընթացակարգով նոր մրցույթ հայտարարելու մասին:

□ ՀՀ քաղաքաշինության նախարարության «Քաղաքաշինական ԾԻԳ» պետական հիմնարկի կողմից Երևանի թիվ 191 դպրոցի վերակառուցման աշխատանքների համար հայտարարված «ՔՆ-ՔԾԻԳ-ԲԸՀԱՇՁԲ-16/9 ծածկագրով ընթացակարգը չեղյալ հայտարարված լինելու դեպքում դադարեցնել ցանկացած այդպիսի որոշում:

□ Որպես միջանկյալ ընթացակարգ կիրառել ժամանակավոր միջոց, այն է՝ կասեցնել ՀՀ կառավարությանն առընթեր քաղաքաշինության պետական կոմիտեի բանակցային ընթացակարգի հանձնաժողովի 2017 թվականի մարտի 9-ի թիվ 1 որոշմամբ հաստատված և հրապարակված հայտարարությունը՝ արտակարգ կամ անկանխատեսելի իրավիճակի առաջացման հիմքով Երևանի թիվ 191 դպրոցի վերակառուցման աշխատանքների ձեռքբերման նպատակով «ՀՀ ՔՊԿ-ԲԸՀԱՇՁԲ-17/01» ծածկագրով բանակցային ընթացակարգով նոր մրցույթ հայտարարելու մասին որոշումը, տվյալ ծածկագրով գնման ողջ գործընթացը, ինչպես նաև հայտերի ընդունման և բացման գործընթացը:

«Խաչատուրյանի Բիլդինգ Գրուպ» ՍՊԸ-ն, պատշաճ ծանուցված լինելով ԳԲԽ-32/17 բողոքը քննող հանձնաժողովի նիստի մասին, չի ապահովել իր ներկայացուցչի մասնակցությունը:

Գնումների բողոքարկման խորհրդին ներկայացված 23.03.2017թ. գրությամբ Ընկերությունը խնդրել է առանց քննության թողնել 17.03.2017թ. ներկայացված բողոքը:

2. ՀՀ կառավարությանն առընթեր քաղաքաշինության պետական կոմիտեի կողմից բողոքի վերաբերյալ ներկայացված փաստերը, հիմնավորումները և դիրքորոշումը

Կենտրոնը 21.03.2017թ. թիվ 02/04.1/1063-17 գրությամբ դիմել Պատվիրատուին, խնդրելով՝ կարծիք ներկայացնել «Խաչատուրյանի Բիլդինգ Գրուպ» ՍՊԸ-ի կողմից 17.03.2017թ. ներկայացված բողոքի վերաբերյալ, սակայն Պատվիրատուն Կենտրոնին չի ներկայացրել բողոքի վերաբերյալ իր դիրքորոշումը:

ՀՀ կառավարությանն առընթեր քաղաքաշինության պետական կոմիտեն, պատշաճ ծանուցված լինելով ԳԲԽ-32/17 բողոքը քննող հանձնաժողովի նիստի մասին, չի ապահովել իր ներկայացուցչի մասնակցությունը:


**3. ԳԲԽ-32/17 բողոքը քննող հանձնաժողովին «Գնումների աջակցման կենտրոն»
ՊՈԱԿ-ի կողմից ներկայացվող հիմնավորումները և եզրահանգումը**

Ընկերությունը 17.03.2017թ. գնումների բողոքարկման խորհրդին ներկայացրել է բողոք, սակայն 23.03.2017թ. գրությամբ խնդրել է **առանց քննության թողնել 17.03.2017թ.**

բողոքը:

Հաշվի առնելով վերոգրյալը՝ Կենտրոնը խորհրդին ուղղված 27.03.2017թ. եզրակացությամբ առաջարկում է «Խաչատուրյանի Բիլդինգ Գրուպ» ՍՊԸ-ի կողմից 17.03.2017թ. ներկայացված բողոքը թողնել առանց քննության:

Գնումների աջակցման և իրավական
խորհրդատվության վարչության պետ՝




Հ. Ենգոյան

Գնումների բողոքարկման և
ահագանգման բաժնի պետ



Ռ. Մկրտչյան

Գնումների բողոքարկման և ահագանգման
բաժնի առաջատար մասնագետ՝ ԳԲԽ 32/17 բողոքը
քննող հանձնաժողովի քարտուղար



Տ. Գևորգյան